

**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

**Broj:
Sarajevo, 3. januara 1997. godine**

ZAPISNIK

**1. sjednice Doma naroda Parlamentarne skupštine Bosne i Hercegovine,
održane 3. januara 1997. godine, u Lukavici**

Sjednica je počela u 11 sati.

Sjednicom je predsjedavao Borivoje Sendić.

Predsjedavajući je konstatovao da sjednici prisustvuje svih 15 delegata i da Dom naroda može raditi i punovažno odlučivati.

Predsjedavajući je pozdravio sve prisutne, a posebno članove Predsjedništva Bosne i Hercegovine, Michaela Štajnera, zamjenika Visokog predstavnika, predstavnike diplomatskog kora, kopredsjedavajuće Vijeća ministara, te ministre i zamjenike ministara u Vijeću ministara.

Potom je predsjedavajući pročitao i predložio sljedeći

DNEVNI RED:

1. Izbor Verifikacione komisije,
2. Verifikacija delegatskih mandata,
3. Potpisivanje svečane izjave,
4. Usvajanje Poslovnika Doma naroda Parlamentarne skupštine Bosne i Hercegovine,
5. Podnošenje prijedloga kandidata za predsjedavajućeg i zamjenika predsjedavajućeg Doma naroda Parlamentarne skupštine Bosne i Hercegovine,
6. Izbor predsjedavajućeg i zamjenika predsjedavajućeg Doma naroda Parlamentarne skupštine Bosne i Hercegovine.

Ovaj prijedlog dnevnog reda jednoglasno je usvojen.

Rad sjednice nastavljen je po usvojenom dnevnom redu.

I. Izbor Verifikacione komisije

U Verifikacionu komisiju predloženi su: Adem Borić, Borislav Parovac i Stipo Vujević.

Na osnovu rezultata glasanja predsjedavajući je konstatovao daje Dom naroda Parlamentarne skupštine Bosne i Hercegovine jednoglasno izabrao predložene kandidate u Verifikacionu komisiju.

Nakon toga, predsjedavajući je dao pauzu u kojoj je Verifikaciona komisija održala sjednicu.

2. Verifikacija delegatskih mandata

Ispred Verifikacione komisije izvještaj je podnio Stipo Vujević, predsjednik Komisije koji je predložio da Dom naroda verifikuje mandat sljedećim delegatima:

1. Sa teritorije Federacije:
 - iz reda hrvatskog naroda: Ivo Andrić Lužanski, Stipo Vujević, Petar Majić, Mariofil Ljubić i Pero Marković;
 - iz reda bošnjačkog naroda: Mirsad Ćeman, Avdo Čampara, Mehmed Čorhodžić, Adem Borić i Salih Kulenović.
2. Sa teritorije Republike Srpske
 - iz reda srpskog naroda: Vojislav Maksimović, Milan Krnjajić, Borislav Parovac, Borivoje Sendić i Momir Tošić.

Nakon glasanja, predsjedavajući je konstatovao da je Dom naroda Parlamentarne skupštine Bosne i Hercegovine jednoglasno verifikovao mandat predloženim delegatima.

3. Potpisivanje svečane izjave

Predsjedavajući je pozvao delegate kojima je verifikovan mandat da potpišu i predaju svečanu izjavu.

Nakon toga delegatima Doma naroda obratili su se Krešimir Zubak i Momčilo Krajišnik, članovi Predsjedništva Bosne i Hercegovine, koji su im čestitali i zaželjeli uspjeh u budućem radu.

Delegatima Doma naroda takođe se obratio i Mihael Stajner, zamjenik visokog predstavnika.

4. Usvajanje Poslovnika Doma naroda Parlamentarne skupštine Bosne i Hercegovine

Predsjedavajući je obavijestio prisutne da je Prijedlog poslovnika usaglašen od predstavnika strana zastupljenih u Vijecu naroda.

U raspravi nije niko učestvovao.

Nakon glasanja predsjedavajući je konstatovao da je Dom naroda Parlamentarne skupštine Bosne i Hercegovine jednoglasno usvojio Poslovnik Doma naroda Parlamentarne skupštine Bosne Hercegovine.

5. Podonošenje prijedloga kandidata za predsjedavajućeg i zamjenika predsjedavajućeg Doma naroda Parlamentarne skupštine Bosne i Hercegovine.

6. Izbor predsjedavajućeg i zamjenika predsjedavajućeg Doma naroda Parlamentarne skupštine Bosne i Hercegovine.

Predsjedavajući je obavijestio delegate da je na sjednici Predstavničkog doma žrijebanjem odlučeno redosljed predsjedavajućih i njihovih zamjenika i da je obavio konsultacije sa strankama SDA, HDZ i SDS. Tom prilikom usaglašeno je da Momir Tošić iz SDS bude prvi predsjedavajući, da Avdo Čampara iz SDA bude prvi zamjenik, a Petar Majić iz HDZ drugi zamjenik, s tim da njihov mandat bude osam mjeseci.

Potom se prešlo na izjašnjavanje o predloženim kandidatima.

Dom naroda Parlamentarne skupštine Bosne i Hercegovine jednoglasno je izabrao za prvog predsjedavajućeg Momira Tosića, a za njegove zamjenike Avdu Čamparu i Petra Majića.

Nakon toga, Domu naroda obratio se Momir Tošić, prvi predsjedavajući i Avdo Čampara, prvi zamjenik.

Potom je prvi predsjedavajući preuzeo rukovođenje sjednicom.

Zatim su se Domu naroda obratili i predstavnici klubova: Mirsad Čeman, Borivoje Sendić i Mariofil Ljubić.

Rijeci zahvale za čestitke upućene kopredsjedavajućim i ministrima i zamjenicima ministara u Vijeću ministara izrekao je Haris Silajdžić, kopredsjedavajući u Vijeću ministara.

Sjednica je završena u sati.

Magnetofonski snimak sjednice čini sastavni dio zapisnika.

**PREDSJEDAVAJUĆI
DOMA NARODA
PARLAMENTARNE SKUPŠTINE BiH
Momir Tošić**